

إصدارات رابطة الكتاب العرب

26



اسكنيني

ديوان شعر غنائج

هاني عيشة

رابطة الكتاب العرب

٢٠٠٦

اسم الكتاب : اسكتيني

اسم المؤلف : هاني عشرة

اسم الناشر : جمعية رابطة الكتاب العرب المشهرة برقم

١٦٨١.

رقم الإيداع : ٣٩٤١

سنة الطبع : ٢٠٠٦

زوروا موقعنا ...

www.geocities.com/arabwritersunion

الطبعة الأولى

كلمة رئيس مجلس الإدارة

بسم الله و الصلاة و السلام على أشرف المرسلين سيدى و نبى
محمد بن عبد الله ، خير من أهدى إلى البرية أجمعين ، أما بعد ..
تمضى رابطة الكتاب العرب فى عامها الثالث بخطى سديدة نحو
نشر الثقافة العربية عامة و المصرية خاصة على الدنيا أجمعين ،
و قد اتجهنا نحو الحوار مع الآخر من أجل حياة الفضل باسم
الإنسانية و الإنسان و ما ورثه من أرث ثقافى خالى من الوحشية
و الحيوانية ، أملين أن تكون الثقافة هى ذلك المعول الذى يهدم
وثنية الحروب و الأطماع الإنسانية ، كما نأمل أن تعود الثقافة
الداخلية إلى حالها السابق الذى هجرنا إلى دول آخر ، فما يملكه
المبدع المصرى من ثقافة و رقى حسى ، هو تاج على جبين
البشرية جمعاء ، و ختاماً لا أملك سوى دعوة لكل مبدع لابتكاتف
معنا من أجل حياة أفضل لا يسودها إلا الفكر و الرقى النفسى و
الحسى .

إسلام عامر على
عضو منتدى الكتاب العرب بجنيف - سويسرا
حاصل على لقب سفير الأدب العربى لعام ٢٠٠٤
رئيس مجلس إدارة و رئيس تحرير جريدة أخبار الأدب و الفكر



يؤمن قلمي تمام الإيمان أن الأغنية لا تميل لأن تقيد
نفسها في ديوان يحرقها ، فهي تعشق [سوق الكاسيت] ،
و هو أيضا يبادلها نفس الشعور و أكثر منه ، بل هو
يبحث عنها كثيراً إن كانت جيدة و مميزة ، و لكن للأسف
الشديد أصبح سوق الكاسيت حكرًا على أصحاب المصالح
، و قد انتشرت الكلمات الرديئة في زمن الأحوال المقلوبة
، هذا و كون الأغنية في الأساس قصيدة كتبت بالعامية ،
ألفاظها تتميز بالسهولة و غير معقدة ، و لذلك قررت تقديم
ما أكتبه من أغاني متواضعة في سلسلة دواوين متتالية ،
هذا واحد منها ...

هاني عسيرة

على الرغم من صعود روحها إلى السماء فهي معي ...
في العقل حين أفكر ...
في الخيال حين أتأمل ...
في العين حين أنظر ...
و في القلب دومًا ...

.. أهس ..

الشاعر

تقديم .. حبات العقد

بسم الله الرحمن الرحيم ، و الصلاة و السلام على خير
البرية سيدى و حبيبى محمد بن عبد الله خاتم الأنبياء و
المرسلين .. أما بعد ...

استهل كلماتى التى أطلقت عليها (حبات العقد) بنبيذة
صغيرة عن وصف يجول بذهنى ، عن أدباء اليوم و ما
ينتج عنهم من أغنيات معظمها للأسف يستحى السمع عن
سماعها ، بل و فى الأحيان الأخرى نسد أذاننا عن سماع
كلماتها الموجهة ، لذا كان لابد من التجديد و الإتجاه لأقلام
شابة ترتقى بذوق هذا المجتمع و إحساسه المرهف ،
فالشعب المصرى بطبعه ذواق و ذو حس عالى ، و قد
فاجأنى أحد زملائى بإصدارين من إصدارات رابطة
الكتاب العرب للشاعر هانى عشرة ، و الذى لم أره حتى
الآن ، برغم تحمسى له ، و الشروع فى كتابة هذه الكلمة

لنكون ضمن حبات العقد فى إصداره الثانى (اسكنينى) ،
فى الحقيقة عندما قرأت ديوانه الأول و الذى نشرت له
دراسة بصحيفة رأى الشباب بقلم الدكتور حسن السمان ،
اعجبت بأسلوبه كثيراً و اعجبت أكثر عندما قرأت ديوانه
الثانى ، الذى وضع بين حبات عقده المتماكة مدى قوة و
تماسك هذا الشاب ، و تطوره فى مجال الأغنية ، فقد
لاحظت تقدم مستواه كثيراً فى أغنياته [اسكنينى ، ليه
بتخاف ، ما تصدقش ، كان ليك] و غيرها الكثير ، فأنا
شخصياً لكل ذلك أتوقع له مستقبلاً براقاً فى هذا المجال ،
و الله موفق ،،،

الكاتب الصحفي الكبير

محمد زهران

مدير تحرير أخبار اليوم



اسچی نینگ

الباب الأول

المقدمة العامة ودراسات

شافوا بعينهم

كذبوا الكذبة و صدقتهم

و لا قالوا لك شافوا بعينهم

انى بخون الهوى و العهد

و ان الحب خلاص اتهد

و انتى الشك ملاكى بجد

جاية بتبكى و طالبة الرد

انا اكبر م الرد عليهم

انا ساكت مش قايل حاجة

لو هيكون فـ سكاتى بعادك

اصل عيونى مش محتاجة

انى أبرأ نفسى قصادك

و لا هضعف و أرد عليهم

لما قالوك إني بخونك

و إن القلب معادش أسيرك

كان نفسي يكون رد عيونك

عمر عيوني ما توفى لغيرك

كان لازم يوم كذبتهم

و مادام صدقتي ملامهم ليّه

يبقى بعادنا هر الحل

ومادام شكيتي ف حبي وفيّه

يبقى الوعد ما بينا اتحل

يومينك عدوّ بكل ما فيهم

طاو على قلبك .. اسكنيني

عيشي بين قلبي و بيني

صدقيني و قلبي جنبك

مش هيندم لحظة قلبك

دوبي فد الحزن اللي حبك

يلا بالحب املكني

* * *

يلا ما نضيعش ثانية

من حياتنا و عمرنا

ده الهوا و العشق دنيا

لو نعيشها لبعضنا

كل عمري ملك ليكي

دي الحياة فد نظرة عنكي

اللى بيها .. بتأسرينى

قلبي بيظمن عينيكى

و انتى وياه متخافيش

مستحيل أقسى عليكى

صعب أى جراح تعيش

سلمى للحب و أرضى

قربى ده الحلم وردى

و بعينك .. احضنينى

و بيدور الكلام

و بيدور الكلام ف عينيك

بتسأل بين و بين نفسك

ليه رغم الحب باقسي عليك ؟

ليه بظلم فيك و نا نفسك ؟

* * *

حبيب العمر انا مظلوم

بعيش أحزان بتكسرني

على كتفي جراح و هموم

وده بس اللي غيرني

* * *

و عارف إننا اتغيرت

ما عدتش حزنك الدافئ

لكن فـ البعد ما فكـرت

و قلبي نحيبك صـافي

بلاش أرجوك اشوف ياسك

* * *

و لا غيرني حب جديد

و حبك أعلى شئ فـ الكون

بلاش فكرك يروح لبعيد

ده مش معنى عذابي أخون

ما حدش فيا بينافسك

ليه بتخاف؟

لو كان فينا حد ماحش

إن التانى بالنسبـا له

ساكن جوّه فـ قلبه معشش

و شغل عقله و طار بخياله

* * *

يبقى تعالى حبيبي نتفارق

و نكون زى الضى البارق

يلمع .. بس فـ ثانية يفارق

و إحنا بنتشاهد فـ جماله

* * *

ونسيب بعض و نفضل ذكرى

ممکن جدّا ننساها بكرة

من أيلمنا تفضل فكرة

رافضة يسوق الحب دلالة

* * *

ليه بيفرق بينا كسوفك ؟

ليه بتخاف من إيدى كفوفك ؟

عايزة تعلم .. منعك خوفك

خايفة كلامهم .. قلبك ماله ؟

وداع يا حوا

م النهاردة وداع يا حوا

لعشق كل بناتك

ده الخداع بيزيدنى قوة

وانسى كل أماتك

* * *

كل ما أعشق واحدة منهم

فجأة تتغير قوام

واللى كان بيبان فى عينهم

مش بينطق بيه الكلام

سابوا جرح فى قلبى جوا

مهما أقابل عين جميلة

عمرى ماضعف ولا اعود

و ارجع انسدّم كل ليلة

ع اللّى بيخونوا الوعود

و اكره الكون و الوجود

* * *

بعد ما شوفت فد هواهم

كل غدر الكون فد ثانية

مش ح أمن يوم معاهم

مش رح اعشق مرة ثانية

ده الزمان مش هو هو

دور الخداع

كلمتين .. لحظة عتاب دمعتين قالوا الوداع
كدبتين زادوا العذاب و الحنين وياها باع

* * *

كان ف عينها دمع زايغ إترسم بس بجراءة
جت برعشة قلب خايغ عرفت تمثل ببراءة

الوفى فدور الخداع

وقتها كان صعب أعشق لو يلومها كبريائي
وقتها الفجر شقشق انتهى ليل التلاقى

و ابتدئ وهم الضياع

حبها كان طيف وراح بس مش نادم عليها
بعدها برغم الجراح كان هدية من عينيها

قبل ما لقي العمر ضاع

ما تصدقش

هابعد يومين و ارجع هنا
بس لهوانا و حبنا
حساد كثير .. من غير ضمير
هيقعوننا ف بعضنا
لو جم قالوا لك قلبى باع
أو يوم قالو لك حبنى ضاع
ما تصدقش اغدر أنا
ده كل يوم ف بعداى عنك
جوايا فجر الشوق هيدن
و كل لحظة اغيبها عنك
هتمر قاسية و صعبة جدًا
هارجع نكمل حلمنا

مهما قالوا كذبهم

بس بين نفسك و بينك

قولى طيب .. رحيهم

بينى الأحزان ف عنيكى

عشان يسيبهم مننا

حبى ليكى فوق كلامهم

ساكنة نار الغيرة فيهم

حبنا بيزيد المهم

فوتى الفرصة عليهم

صونى شوقنا و عهدنا

الوفى مش ضعف

كنت بوفيك بصدق

بشوق و حب ما ينتهوش

و الوفى مش ضعف لأ

ده كان سمو ما تعرفوش

* * *

يا رتنى صدقت الصحاب

قالو لى إن الشوق عذاب

و الوفى فـ الحب ضعف

كانوا فاهمين الكتاب

اللى أنكتب فى الحب أصلك

بعتنى و بينت أصلك

طلعوا صح ما يكذبوش

قالولى أخدع فيك والأعبك

أضمن هواك أكثر وقلبك

و أبين إنك شخص عادى

و مش بيفرق عندى حبك

و أقول هواك ما يهمنىش

هلاقي حب ما ينتهيش

ساكن العين و الرموش

خليتلى طعم الدنيا مرر

وصعب تانى بالحب هرضى

أصله فصل نفاق مكرر

هوا كده الحب النهاردة

كلامه كذب مصدقوش

قلبك خلاص مبقاش عشانى

حبك خلاص ما يهمنىش

مكتوب تكونى لحد ثانى

و مكتوبلى من غيرك أعيش

* * *

مش معنى رفضى لابتسامك

بأن حبك كان جنون

مرضاش يهز الشوق مكانتك

لو إن قلبك يوم يخون

خليكى ف عيونهم ملاك

يا أحلى وردة .. ما تدبلىش

* * *

اللى انكتب لعينيكى

إوفى و عيشى عشائه

دنا لما افكر فيكى

بخط نفسى مكانه

واقول لعينك إبعدى

واقول لعينى ما تحلميش

* * *

كنتى زمان الملهمة

و خرجتى شعرى م الضلوع

بس الحقيقة المؤلمة

إحنا افترقنا بدون رجوع

لازم نسلم للقدر

دلوقتى شوقنا .. جنون و طيش

ما فكريش

لما قالوا لك إني بخونك

و ان قلوبهم خايفة عليكى

لو سألتهم بس عيونك

كانوا من إمتى خافوا عليكى

ليه ما صدقتى و مسألتيش

ما فكريش

ما حاولتيش

إنك تدى لنفسك فرصة

تفكرى فيها قبل بعبادك

و انك تدينى نفس الفرصة

إنى أبرأ نفسى قصادك

فجأة بعدتتى فى لحظة طيش

محاولتيش

ما فهمتِش

إن كلامهم كذب فد كذب

و نار الغيرة بتملا عينيهم

جم و عليا علنوا الحرب

و انتى بعاذك ده بيرضيههم

سيبتى الشك ما بينا يعيش

ما فهمتِش

أحسن قرار

مهما الفراق حايكون مرار

البعد هوا أحسن قرار

ده حرام نعيش من غير أمل

من غير شعاع نور محتمل

ده اليأس فينا بيكتمل

و الوهم هو الإنتظار

* * *

الكل رافض حينا

الدنيا و الناس و الزمن

و ظروفنا دايما ضدنا

و العمر صعب يكون تمن

و عذابنا دايما ليل نهار

ليه نسيب سدينا تضيع هدر

وفريوم حانبعد .. مرغمين

نرفسح رايتنا للقدر

و نسلم الشوق و الحنين

ملناش بديل او اختيار

صدقنى هابعد مش ناسيك

و عارف انك مش حانتسى

شى صعب أبعد عن عينيك

و المستحيل هو انى أنسى

ده العمر بعدك ويل و نار

كان ليك

برحم يا قلبى أيام زمان

كان ليك حبيب بيخاف عليك

وقت المحن و الجرح كان

هوّا و بس يحس ببيك

* * *

كان حزن دافى عليك حنون

و انت عيشته فد آماتك

وانت اللى برده بسوء ظنون

صممت يخرج من حياتك

من نظرة الشك فد عنك

* * *

دلوقتى بعده الكل ظلمك

حتى القرابين و الصحاب

مين اللى هيشاركك فد المك

راح اللى يوفى بغير حساب

و انت اللى ضيعته بايديك

* * *

داق العذاب و اتحملته

و غصب عنه حقيقى راح

عمر ك بغيره كمله

واشرب بقى الويل و الجراح

تستاهل اللى هيجرى فيك

نسبنا فبعدنا الأشواق !

وليه راجعين يدوب صورة

حبايب بس ع الأوراق

و حاجة ما بينا مكسورة

* * *

وليه ساكت و بتخبى

تسيبنى ف حيرتى يتالم

و نا شايفك هنا جنبى

و رافض حتى تتكلم

تظمن قلبى أنا المشتاق

* * *

فى إيه خلانا نتجافى

و إيه يمنعنا نتصافى

و بفضل بينا أى خصام

سحابة صيف تعدى قوام

و نرجع قصة للعشاق

* * *

أنا راضى بأى عتاب

و لو يجرحنى و حياتك

كدة وجودك كأنه غياب

لأن البعد فسكاتك

و توهنا بين بعادك و فراق

عندك أمل

عندك أمل القلب يسامحك

بعد ما شوفت بعيني خلاص

لسه بكل براعة ملامحك

بتمثيل دور الإخلاص

* * *

شوفتك ماشية بخطوة بطيئة

مع غيري و فرحانة بتغنى

إوعى تقولى دى صداقة بريئة

أمال ليه بتخبئها عنى

و لا الوضع كثير حساس

غلطة عمرى إننا دلعتك

و ما كنتش م الأول حازم

كل ده حَقِّك منا عودتك

و اديتلك أكثر م لازم

من غير أى سبب و أساس

أيوه انا قلبى كثير عدالك

و ده مش معناه إنه ضعيف

يا ما أخد م الشوق و ادالك

كان بيحبك حب عنيف

كان بيحب بكل حماس

مش بتفرق .. کله عادی

فوق لسانها بتترسم

مش هاممها یزید عنادی

لو لغیری بتبتسم

حتی هجرانها لفوادی

کله عادی

* * *

شایفه مش من حقی اغیر

مش هاممها یوم شعوری

کتبت السطر الأخير

لما قالت مش ضروری

حبی لیها او ودادی

يبقى حتى ابعد و اسببها

و لا اتحمل كمان

ليه عيوني يكون نصيبها

الدموع دايمًا عشان

حبي ليها و ابقى راضى

قولوا ليها يا الجاين

بتلموني ع الخصام

لو تنسيها السنين

الفرور خارج قوام

لسه لحن الحب شادى

مستحيل

كلمة واحدة حافظت فيها

و بتقوليهما فكل وقت

و مش بيفرق حبي عندك

أو بعائذك أو زهقت

أيوه زهقت حفظتها

مليت سماعها كرهتها

سلكك غرور ملهوش مثيل

مستحيل

* * *

نفسى أعرف عايضة إيه

فجرك المغرور بيدن

كل معنى بتطبيقه

جراح و عند و صعب جدًا

عيزاني أركعك و أسلم

و ارفع الراية و كفوفى

مش مهم جراح بتالم

المهم أنك تشوفى

ضعف قلبى فـ كل وقت

عودى بتوفى و توعدى

قبل ما يفوت المعاد

لو شوقك أنك تعندى

هاتشوفى و بحق العناد

هاتشوفى كل جراح و ويل

قالواك كدة

قالواك كدة وشكيتي فيه
كلام ده وده و ملامهم عليا
ملاكى اسيرة بايديك كسرتي
هو انا و هجرتي رضيتي بكده ؟

* * *

قالواك يا عمرى بخونك .. حبيبتي
و كان حلم عمرى ترديلي غيبتى
ببدال مانتيتهم الفرصة فايديهم

و قالوا كده

ده شكك ف حبي ملاتى جراح
و جرحك لقلبي ده باين و لاح
و باعت عينيكى و باين عليكى

حبيبتي الرضا

الباب الثاني

العلم الشعبية

مسلسل حب

مسلسل حب عايشينه

قلوبنا هما أبطاله

و ليلنا نهارنا حاسينه

يا محلى الحب يا جماله

* * *

العاشق مغرم بحبيبته

و الأشواق هي الإثبات

و الشاعر دائما ملهمته

توحيله بأجمل عبارات

نفضل ندى العمر بحاله

* * *

وطنا عشقه ده متقدر

و الأسرة الحب بيملاها

تملى جنباً بيكبر

و دايماً روحنا تلقاها

بتجرى عليه و رايحاله

* * *

فد الفرخ وف الجرح الصاحب

تلقاه واقف جنب اصحابه

الكل بيعرف ف الواجب

و الوفى كل الناس احبابه

و الجار للجار مهما جراه

هو انتی طلعتی منهم

و نا قال ایه فکرتک غیرهم

اتاریکی زی بنات یاما

کلمه تودیههم و تجیههم

* * *

شکاک یعنی مش بیقول

کده بالساهل حد ینول

منک ای کلام علطول

غیر بعد ما تتعذب عینهم

* * *

قلبک کان مغرور و بجد

کان شی صعب یکلم حد

و يدوب نظرة كدة ع القد

لهفة و شوق قلبك بيتهم

* * *

لو كنت لقيتك شى تانى

و عشان أوصل ليكى أعانى

كنت اوهب لعنيكى زمانى

و أعيش عمرى اتمنى حنينهم

* * *

أنا بقى كدة ما بيعجبنيش

حبك يعنى ما يلزمنيش

دى اللى عايزها معايا تعيش

توفى كثير لعيونى و تصونهم

حاقول لعمك

لو رفضوني أبوكي و أمك

و زرعوا ما بيننا بحور الشوك

مش حياس و حاقول لعمك

عايز اتجوز بنت أخوك

* * *

هو الحب ف شرع أبوكي

شي متحرم على قلبين

وامك طاوعته وانتى سابوكي

بين أشواق و ندم و حنين

و انت يا قلبي كمان ظلموك

* * *

يظهر أبوكي معقد حبة

أو مخدوع بيخلص فينا

وامك دايرة فد ابوكى محبة

ولا راضية تتوسط لينا

قلبي ايه ذنبك .. ليه رفضوك

* * *

هو الحب يا ناس ممنوع

لو ابوكى صمم يرفض قلبي

هادخل عمك فد الموضوع

يمكن يقنع ابوكى بحبي

و يوافق و يقول مبروك

بلاش الحقيقة ولاوع فحبك

تلاقى حبيبك بيجرى عليك

تصونه و توفى و تعشق بقلبك

حياسى حبيبك و يجرح عينيك

* * *

تعانده حايزل عل وتقدر تصالحه

تطاولعه حايبعد بسبيك فجرحه

و مهما تبانلك دموعه فلامحه

ما تضعفش لحظة ويصعب عليك

* * *

ده عصر المشاعر الجميلة انتهى

و كانت وردة دبلى وراح وقتها

وماتعش دور الحبيب اللي يخلص

حبيبك بكلمة تلاعبه و تخلص

* * *

و بكره تجرب و تعرف بنفسك

ف بحر الخيانة ما جدش بنافسك

حاتغلط و تندم و ترجع و نفسك

تعوض ما فاتك و تنسى ماضيك

* * *

و عارف كلامي ده حيرة و آلام

لكن دي يا صاحبي حقيقة الغرام

يا بخت اللي بكاك بمر الكلام

و لا اللي يسبيك و يضحك عليك

و مادام عشقت لازم تكون

مخلص قوى و طيب حنون

و عشان سكن الحب قلبك

لازم تكون مخلص ف حبك

و لو نطقت كلمة بحبك

توفى و مش ممكن تخون

* * *

الحب شئ سامى و جميل

إحساس بيعمل بالقلوب

وياه مفيش شئ مستحيل

هو الأمان بين الدروب

يبقى الحبيب دنيا و كون

جوة الهوى حتلاقي نفسك
ويلاقى قلبك له صديق
متجربه و تعرف بنفسك
إنك بغيره تكون غريق
فى بحر شك و سوء ظنون
الحب معنى بيعيش ما بين
قلوب بتعشق بعضها
و مادام عشقت يبقى السنين
حتتور الكون وحدهما
تلقى الحياة بإحساس و لون

مفیش فایده

مفیش فایده مع الأيام

ماہش ریدہ جراحی تمام

مفیش فایده .. ماہش رایدہ

و نا جوابا نار قایدہ

* * *

و حقى الحلم طول مابعیش

بقول لنفسى ماتملیش

و شوف أخطائى و اعالجها

و ربك بكرة یفرجها

و تتعدل .. مافیها كلام

مفیش فایده مع الأيام

* * *

أحاول مرة و الثانية

وما يأسنى و أبات مغلوب

ماجيش الذنب ع الدنيا

و مش هاخذ غير المكتوب

و برضى بالنصيب دائما

ولو جوايا بحر الام

مغيش فائدة مع الأيام

* * *

إيمانى فد قلبى مالينى

و صبرى سلاح بيحمينى

و مهما يا زمنى هتألم

أدينى يا دنيا بتعلم

بأمر الله أنا مسلم

بأيده يحقق الأحلام

مغيش فائدة مع الأيام

لا سلام ولا كلام

كدا هو تتسانا قوام

لا سلام ولا حتى كلام

و معدى عامل مش شايف

و بتتكراى غـرم

* * *

براحتك يا عم

بشوقك يا سيدى

ده قـربك مهم

لكـن مش بايـدى

بعدت و عندت و قلبك عملها

طب ابعـد بجد و خليك فاكرها

برغم الأمانى ليه قلبك أنانى

بيزرع معانى البعاد والخصام

كدا هو تتسانا قوام

لا سلام و لا حتى كلام

* * *

إرمى السلام طيب

خلى الكلام طيب

د حنا اللى كان بينا

طول عمره شئ طيب

و لا عمره كان آلام

كدا هو تتسانا قوام

لا سلام و لا حتى كلام

تقصید ایہ ؟

وضح أكثر تقصد إيه

قول أنكلم خايف إيه

ضاعت منك فجأة قوام

كل وعودك و الأحلام

جای بغموضك ناسی عهودك

جای بتداری كلام ف كلام

هات م الآخر و اوعى تخبى

و اللي ف قلبك قولوا لقلبي

قولوا زهقت من الإخلاص

قول للقلب الصافي خلاص

قولوا انا تعبتك و أصرخ فيه

قول أنا قلبي معدش أسيرك

لو ف الحب معدش مصيرك

شاييف البعد فدوحى خيالك

أحسن م القرب و أبقالك

طب بتلف تدور على إيه

حانسى أيامك و ابعد روح

كل كلامك نار و جروح

وقت خصامك بان بوضوح

حتى سلامك مش مسموح

خد جواباتك .. كل ورودك

أنا حلك من كل وعودك

و ابعد جرحك قادر أظفيه

إلزم حدك

إلزم عندى يا حلو حدودك
و اما اتكلم تبقى ردودك
على قدك كدة وانت قصادى
مش قسوة وتغيير ع الفاضى
أحسن أهدك و الغى وجودك
اتعلم إزاي تتكلم
وينا عينينا يرحم أيامك
كان حلمك تيجى و تسلم
و احنا نحن نرد سلامك
و تسمعنا ساعتها سكوتك
إنت نسيت لما عليت
فجأة يا حلو مساعدتى ليك

نفسك قدرت و علينا كبرت

و نسيت كل جمالي عليك

و جاي بتخلف كل عهدك

ماشى يا عم انكر أيامى

و لا تستاهل كلمة لوم

و انكر حتى أشواقى و غرامى

بس مسير هيجيالك يوم

يا لى بتنكر كل وعودك

عايزة الحق و لا ابن عمه

قلبي ما عدش الهوى بيهمو

و اتقتلت فيه الأشواق

كره الحب و شافيه نفاق

كل كلامه جميل برّاق

و فى الآخر ينتهى بخناق

و الناس بكره علينا يتلمو

يبقى من الأول ما بلاش

أخدع فيكى و تخدعى فيه

نسمع بعض كلام غشاش

نعمل من حينا أغنية

و ندوق بكرة عذابه و ألمه

زمن الإخلاص ولى خلاص

وزمن الحب الصادق ولى

ولى كمان زمن الإحساس

ونا مش عايز يبكى أتسلى

و ارجع أشارك قلبك نلعمو

يمكن كل كلامى اتغير

يمكن برده من ورا قلبى

يمكن ظلم زمانى بغير

خلى جراحى بتمنع قربى

جنبى عيونك ليه بتظلمو

بعلن فشلی

إني أغير من تفكيرك

وانني أحدد خط لسيرك

باين واضح مش لسواع

مش بيعاند و لا خذاع

و لا أبعد و أعيش من غيرك

بعلن فشلی

* * *

أنا ما ياستش وبا عينيكي

رغم أننا دائماً يا حياتي

كل ما عاتبك و اقوى عليكى

أضعف لما تقولى وحياتى

وارجع تانى فـ الحب أسيرك

بعلن فشلی

رغم إنك يا حبيبتي بريئة

بس عنيدة و بحر غموض

ممكن تقبلي كدة ف دقيقة

ممكن تخلفي اى وعود

بس انا قادر على تغييرك

بعلن فشلى

إزاي بس هرد جمالك

وانتى بعيدة ونا مش طابلك

و جميل بعدك أحلى ما فيها

الاشواق وياكى خديها

أنا مش هندم لحظة عليها

أنا مش هفصب قلبى بحالك

* * *

كان لازم أعرف م الأول

إن الغدر فطبعك عادى

إن هواكى ممكن يتحول

أول ما عيون غيرى تتادى

دانتي ف عز ما كنتى الحلم

شافت عيني معاكى الظلم

و اهي فرحانة بغفرك بيبها

قلبي معاكى عاش مجروح

من غيرك هيعيش متهنى

ايعدى .. قربك مش مسموح

من غيرك هافرح و هغنى

بعلنها و بكل وضوح

عايزة الحق .. بعادك عنى

احسن حاجة انتى عملتيها

آسف كل ما فى الموضوع

من خدمة أشواقى مرفوع

قلبك رفع مؤقت بس

لحد ما بس تفوق و تحس

إن غرورك مبيخلصش

و هتفضل شهرين ممنوع

* * *

إنت غلط لازم تتحمل

و جنيت لما بعدت عليا

شهرين بعد لازم تتكمل

ده جزاء منى لهجرك ليا

و ابكى عشان ترجعلى دموع

هتسدد للحب ديونك

و هتدفع فواتير الشوق

و هتتدمع البعد عيونك

هترجلك خط الشوق

و نغلى الشهرين أسبوع

بعد ما توهت ف بعدى غرقت

جاي مش عاجبك تغيير حالي

جاي دلوقت ما فات الوقت

لا و بتسأل ببساطة مالى

فوق متعش دور المخدوع

يلا يا عشاق

يلا يا عشاق نجدد

نبقى أحدث في الغرام

في الهوى والشوق نحدد

مش حبايب و السلام

* * *

ننسى أيام قيس و ليلي

كل شي أصبح جديد

لو مودرن الحب يحلى

و المال يبعد بعيد

لما يحكم أى بعد

ليه نخلي الدمع نهر

فيها إيه ما نشوفش بعض

يوم .. يومين أو حتى شهر

إليه حايحصل يا سلام

* * *

و كفاية يا عشاق نقول

كل الكلام أصبح قديم

و بلاش نكثر م الفضول

نفتحها محضر سين و جيم

و نطور الشوق والحنان

و نحب ع الموضة كمان

كل الظروف اتغيرت

و بقى الزمان غير الزمان

و الحب ما يقاش بالكلام

نفس السؤال

عودى لعيون حبيبك

قلبي وحشاه ضحكك

ودعى الوهم الحزين

واقطفى الشوق والحنين

من جناين رقتك

قلبي مش قد الغياب

وانتى مش قد العذاب

أو برينة فـ غربتك

ليه مشيتى فـ دروب الرحيل

لما كان شى مستحيل

يوم اتوه عن سكتك

عودى ليه بحر الدموع

ماتخافيش وقت الرجوع

مش هعاتب دمتك

و اسالى نفسك سؤال

يا للى مش ممكن تخونى

و اسالى نفس السؤال

لما تيجى لنسور عيونى

ليه فراق عين عشقتك

لسه بتخيل رجوعك

إيدى ضماكى فحنان

لسه بخلم بين ضلوعك

يلقى قلبى بحور أمان

غايبة و انتى ف وحدتك

مین یا قلبی؟

ای وصف ہیوفی امی

ہو انا ہاکتب بدمی

الکلام مفیہوش معانی

حتی لو کان شکل تانی

عمرہ ما یقدر حنانی

للی داوت یاما المی

* * *

و مین یا قلبی ..

م الی یدعیلی فی صلاتہ

ربنا ینور طریقہ

و المولیٰ بیحقق مرادہ

لأنہ بحر عطاء حقیقی

مین یا قلبی .. إلا امی

مين يا قلبى

م. اللى بيدوى الجروح

لما يظلم حد فيك

م. اللى بيقولهاى .. روح

ينصرك على مين يعاديك

مين يا قلبى .. إلا أمى

* * *

أنقى قلبى و أوفى عين

اللى يدى بدون حدود

حضر دافى م الحنين

أعلى إنسان فى الوجود

مين يا قلبى .. إلا أمى

الباب الثالث

قصائد و لغز الأطفال

ضعف المسألة

طيب و ضعف المسألة هيحلها ...

كدة بالسهولة المطلقة ...

لازم نضحى ...

ماعرش ليه الحل دائماً ...

يبقى كلمة إعتذار ...

سهل فنظرنا ...

نقولوا إيه المشكلة ...

يا خونة حبة إنتظار ...

مش صعب حل المسألة ...

مش معضلة ...

لو بس صف الكل ...

يبقى متحد ...

لو كلنا نصدق ...

كثير مع نفسنا ...

و نقول حقيقة أمرنا ...

من غير ما حد بهما ...

يبقى مفيش من وسطنا ...

واحد حزين ...

نسكن سوا مع بعضنا ...

بحر الحنين ...

رح نتولد و كأننا ...

من غير مشاكل ...

مرتاحين .

خليت إيه ؟

فد عز شبابك و تقول ياس ...

خليت إيه للناس الثانية ...

حول ياسك شدة بأس ...

متضيعش فد عمرك ثانية ...

إبدأ واجه زى الوحش ...

هوا الياش ده برده يصح ...

لما تواجه و ما تتجشش ...

إبدأ تانى و فكر صح ...

و ما ترمش العيب ع الدنيا ...

* * *

ياسك وهم و زيف و كابوس ...

و العيب نابع من جواك ...

و مفیش حاجة اسمها منحوس ...
إسعی یا عبد و نا اسعی معاك ...
مش كدا هوہ و لا حاجة ثانية .

لو دائماً نسال نفسينا ...

ليه الدنيا بتغدر بينا ...

لما تشوف ف عينا الفرحة ...

نعتب و نلوم و نقول جارحة ...

هى الفرحة كتيرة علينا ...

* * *

ليه بيجمعنا نفاقنا عليها ...

و بنتفق الغدر ماليا ...

و احنا بقيت أوقاتنا خناق ...

بس ساعتها نكون ف وفاق ...

تشهد حتى بكدة ليالينا ...

* * *

لما الياس يدق الباب ...

نجرى و نفتح للأحباب ...

دائمًا نهوى الاستسلام ...

نحلم بيه فى كل الأحلام ...

ليه اليأس بيسكن فينا ...

* * *

ليه أحلامنا الله حلمناها ...

تطلب حاجة غيرنا بناها ...

من غير جهد و كدة بالساهل ...

و نقول إحنا بداله نستاهل ...

ليه بنبص فى إيد بعضينا ؟

* * *

دعوة يا ناس إن احنا نفوق ...

ننزل و نجاهد فى السوق ...

قبل ما نندم و ما ينفعش ...

قبل ما نبكى و ما ندمعش ...

و قبل ما تسرقنا السكينة

ياللى يانس م الحياة ...

ياللى مش راضى بحالك ...

لسه واقف انتباه ...

لسه بتشاهد جمالك ...

* * *

للكفاح سلم و عاهد ...

بتعب الروح فيها ناهد ...

تلقى ذاتك لو تجاهد ...

خلي زمنك يبقى شاهد ...

خلي جهدك رأسمالك ...

* * *

قول كلام معقول شوية ...

مش تقول انك ضحية ...

مرة تفشل .. مرة جاية ...

فيها تنجح .. دى القضية ...

مين اللي يشقى يوم بدالك ...

* * *

جوة عقلك ليه بعسكر ...

أى شئ رافض تفكر ...

قول لروحك فيها نكر ...

بعد طعمك المر سكر ...

بس قوى إحتمالك .

واحشانا يا دنيانا ...

عاشين و مش عاشينك ...

لما الجراح تملانا ...

دائمًا نكون فاكريتك ...

* * *

نشكيك الأوجاع ...

لما نكون فضياع ...

اللى هجرنا و باع ...

هوه اللى كان خداع ...

و لا دا حكم سنينك ...

* * *

نعتب على الأيام ...

لما نكون فظلام ...

و اما نعيش فـ سلام ...

نفساكي فـ الأحلام ...

دائماً نكون ناسيينك ...

* * *

دائماً عليكى نلوم ...

نرمى عليكى هموم ...

رافضينها لينا تكوم ...

تملا سمانا غيوم ...

عايزين نكون عايشينك ...

و سامعك يا أمى و سامع دعاكى ...
 بقبلى بيمنع دمارى و هلاكى ...
 و لحظة فراقك دى لحظة ضياعى ...
 ما طقش أعيشها ...
 و مالهش دواعى ...
 و ليه تبدأى إنتى بالبعداد ...
 عارف يا حبيبتى ده حكمه لربى ...
 و مش للعباد ...
 و رغم ان قلبى بيهتف بقوة ...
 و بيكى ساعات ...
 و يطلب يشوفك يبوس فى كفوفك ...
 لكن فى النهاية .. بيعرف حدوده ...
 و إنه ما يملك فى دنيا وجوده ...

كثير الأمانى ...
و رغم أن يُعدك بيقتل معانى ...
جميلة فى حياته ...
ب يرجع لربه و يدعى فى صلاته ...
يقول يا إلهى أمانتك إلهى ...
أمانتك أمانتك و رجعت لعندك ...
و لما نادى لها ليت ...
و لما طلبت يا ربى ردينا ...
دى عهدة سايهنا ...
إنت فى إيدينا .

الشجرة

الشجرة اللى بتدى كتير ...

بيحتفها الناس بالطوب ...

لكن ربك عنده الخير ...

ده ربك دايماً رب قلوب ...

* * *

يا إنسان ...

كلام الناس مش هو الصح ...

مهما يلومو و يقولو عليك ...

و مادام شايف نفسك صح ...

كافح و اعمل اللى عليك ...

خلى فلاحك هو سلاحك ...

مهما الناس تعتب و تلوم ...

دايماً فى أعداء لنجاحك ...

و مفيش حاجة بالساهل يوم ...

دى كل حاجة و ليها عيوب ...

* * *

يا إنسان ...

الغيرة طبع البنى أدمين ...

مهما كانوا و فد أى مكان ...

و أى نجاح له ناس حاسدين ...

و ده شئ منكور فى القرآن ...

و الحالة ماشية بالمقلوب .

وبيعبني كسوف ياسمينا

ويا شقاوة أحمد طارق

ودة إجرامه يكفى مدينة

لسنة صغير بس سوابق

* * *

مرمر كان زورها بيوجعها

الدكتور عمورا سمعها

إذاها حقنة زادت أوجاعها

خلص نفسه و هرب فارق

* * *

قالو حنركب في الحنتور

بس مين اللي عليه الدور

مروان باشا جه بيزور

خلى الحسالة تشد طواري

* * *

مروان قال ماشى مش جالس

ياسميننا قالت فض مجالس

عمورا و احمد زعلم خالص

نازلة دموع مرمر تتسابق

* * *

لما الولا عمورا اكبار

الولا احمد بقى جبار

مروان خد ياسميننا و طار

مرمر كبرت و بتتخافق

لما الواد عمورا اسم الله

بيروح و يجيب طلبات مامته

تشهدله الشموسة الطلة

و يحب الناس سحر طعامته

* * *

حاجة جميلة انه بيتعلم

أول ما بيعرف يتكلم

طاعة ماما وليها يسلم

و يقول حاضر .. مش يتألم

شوفوا إخلاصه وحيوا أمانته

* * *

و بير الوالدين من قلبه

زى ما أمره رسوله وربه

يعمل خير .. مش شرير

عارف الصبح و عقله كبير

جوة قلوبنا عظيمة غلاوته

* * *

عارف طبعاً إن كلام

بابا و ماما مش أو هام

دائماً بيبص لقدام

لو من صغره صلى و صام

يرفع راسه و تعلا مكانته

الشاعر فى سطور

- مواليد محافظة البحيرة - مدينة ادكو فى ١٠/١٠/٧٨
- عضو مجلس إدارة رابطة الكتاب العرب .
- صحفى بجريدة (أخبار الأدب و الفكر) التي تصدر عن رابطة الكتاب العرب ، و له عمود ثابت بها .
- صدر له ديوان سابق بعنوان (سحابة صيف) .
- يعمل فنى أجهزة بشركة بترومننت للبترول [حقول بور فؤاد (بترول)] .
- له العديد من الأعمال بإذاعة و تلفزيون الإسكندرية .
- له ديوانان آخران تحت الطبع ، إصدار رابطة الكتاب العرب .

بقلم الشاعر السكندري القدير: جابر بسيوني

الأغنية هي مرآة الإنسان في كل زمان و مكان ، فإذا أردت أن تتعرف على ملامح إناس قد عاشوا في زمان أو مكان آخر ، عليك بدراسة أغنياتهم ، فهي تعكس العادات و التقاليد و قبل كل ذلك الثقافة المعيشية عندهم ، بالإضافة إلى معرفة شكل الحوار بينهم من خلال ألفاظها المستخدمة ، و الأغنية لون من ألوان الكتابة الأدبية و لها أصولها الفنية و تقنياتها الإبداعية ، و هي لا تقف عند حد الإبداع بالكلمة بل لابد أن تمتد ليشملها اللحن و الأداء الصوتي ، و لكن الصعوبة إكمال هذا المثلث للأغنية (الكلمة و اللحن و الأداء الصوتي) لجا الكثير من كتابها إلى جمعها و إصدارها في كتاب أو كما يسمى - عرفا - ديوان .

و من هذا يستطيع الشاعر تحديد ملامح أغنيته قبل كتابتها مع شرط توافر الإلهام الأولى أو كما يسمى الخيط ، و بناء على ما تقدم نستطيع الدخول إلى مجموعة أغنيات الشاعر الموهوب (

هاتى عشرة) من خلال الوقوف أمام عدد منها و لقاء الضوء
الأدبى عليه .

كما أشيد بإدراكه ماهية كتابة الأغنية ، التى تتبلور فى البساطة فى
التعبير و سهولة المفردات و الألفاظ المستخدمة و استعماله
الصورة الواضحة الغير مركبة ، و التى لا يستعصى على المتلقى
فهمها ، و مع ذلك - أيضاً - ضرورة أن تتلائم هذه التقنيات مع
ماهية مكانه و زمانه ، فتصبح الأغنية - كما تقدم - مرآة الإنسان
العائش فى هذا الزمان و المكان ، و لعله قد عكس لنا عدد من
السمات الإنسانية التى تفتشت فى مجتمعنا الآن ، و منها نبرة
التحدى التى سادت لغة الحوار بين الحبيبين ، فلم تعد كلمات العتاب
الهائى الرقيق هى الوسيلة إلى عودة المحبوبين إلى بر السلامة ،
و لم يعد الملام بالعيون هو طريقة العتاب ، بل أصبح التهديد بإنهاء
العلاقة العاطفية المحبة هو الحل ، و تأمل أغنية (شافوا بعينهم) :

كذبوا الكذبة و صدقتهم	جم و قالوا لك شافوا بعينهم
بنى بخون الهوى و العهد	و إن الحب خلاص أتهد
و أنت الشك ملاكى بجذ	جابه تبكى و طالبة أرد

أنا أكبر م الرد عليهم

ر قد استخدم كذب الاغنية تفعيلات بحر المتدارك المسماة بالخبيب

(فعلن فعلن فعلن) فى الشطر الأول ، و (فعلن فعلن فعلن فعلن) فى الشطر الثانى .

و تعكس لنا إيقاعات هذه التفعيلات دقات الخطى فى المعارك و دبات الأقدام فى المشاجرة و قد جاءت الأغنية فى مضمونها كمشاجرة كلامية بين الحبيبين ، و معركة نفسية خاضها الحبيب بقوله : كذبوا الكذبة و صدقتهم (فعلن فعلن فعلن فعلن) و لا مجال للعتاب الهادئ أو الملام الرقيق ، و لا مجال إلا لنبرة التحدى و العنف و الاعتزاز بكبرياؤه كإنسان دون النظر لعلاقة الآخر المحب له ، و يتجلى ذلك بقوله (أنا أكبر م الرد عليهم)

و هى جملة مستمدة من الحوار الحياتى اليومى ، أحسن كاتب الأغنية استخدامها و توظيفها بل و برع أن يث فيها التأثير الدلالى الذى امتد إلى نفس المتلقى الذى لا يملك أمام حسن صياغة ما سبق عليها من شطرات إلا أن يقول (الله) ، و تصل نبرة التحدى و العنف إلى ذروتها فى قوله :

أنا ساكت مش قايل حاجة لو هيكون فد سكاتى بعادك
اصل عيونى مش محتاجة انى أبرأ نفسى قصصادك

و لا هاضعف و أرد عليهم

و يحتفظ بهزة نفسه فى كفة و فى الكفة الأخرى

إنهاء العلاقة مستنداً إلى أن عيونه تفضح حبه دون تدليل أو تعليل ، و أغنية شافوا بعنيهم ليست أغنية فحسب بقدر ماهي مرآة تعكس شكل العلاقة المعاصرة بين الحبيبين ، و قد سجلها (هانى عشرة) ببراعة حسن اختيار الألفاظ و الدخول ها لاستهلال للأغنية - و أيضاً - جودته فى توظيف الجملة الحوارية (أنا أكبر م الرد عليهم) .

و يتمتع - أيضاً - بخفة ظل واضحة سرعان ما جسدها من خلال أغنياته الشعبية و التى استلهم فيها الموروث الشعبى (الفولكلور) كما فى أغنية (ح أقول لعمك) :
لو رفضونى أبوكى و أمك

و زرعوا ما بيتا بحور الشوك

مش ح إياس و ح أقول لعمك

عايز اتجوز بنت أخوك

و هذا المذهب استلهمه من موروثنا الشعبى ، الذى يردده العامة فى أفراننا و لقاءاتنا الإحتفالية المرحية ، و لكنه نجح فى إضافة تقنياته الفنية عليها ، من خلال حوار غنائى جذاب ، خفيف الظل ، بديع الكلمات ، متنوع الخطاب .

فتارة يوجه الخطاب بمداعبة المحبوبة الى الأب اى ابيها فيقول :

هو الحب فـ شرع أبوكى

شئ متحرم على قلبين

و امك طاوعته و إنت سابوكى

بين أشواق و ندم و حنين

و أنت يا قلبى كمان ظلموك

و تأمل سخريته فى جملة (و أنت يا قلبى) و إيضاً فى جملته (

يظهر أبوكى معقد حبة) ، فى الغصن التالى (الكوبليه) - و إيضاً

- أو مخدوع بيخلص فينا ، و يوجه الحوار للأم كما قوله :

يظهر أبوكى معقد حبة . أو مخدوع بيخلص فينا

و امك داببة فـ أبوكى محبة و لا راضية تتوسط لنا

قلبى إيه ذنبك ليه رفضوك

ثم يستخدم أسلوب الإلتفات فى قوله .. قللى إيه ذنبك ليه رفضوك ،

و إيضاً قدرة فنية عالية لدى كاتب الأغنية فى صياغة الحوار ، و

شد الانتباه لما يقول ، بالاضافة الى لمحاته فى التدليل فى قوله :

هو الحب يا ناس ممنوع لو أبوكى يرفض قلبى

حاذل عمك فـ الموضوع يمكن يقتع أبوكى بحبى

و يوافق و يقول مبروك

الحوار هذا قد وسمه فى الناس عامة الى نستطيع به ان نوجه

سبق إلى المحبوبة ذاتها ، ثم إلى الأب ثم إلى الأم ثم عندما لم يجد
مخرجاً من أزمته باللجوء إلى كل هؤلاء يلجأ إلى الناس جميعاً و
يهدد باللجوء إلى العم كمؤثر خارجي على رأى الأب .
و لدى هانى عشرة أغنيات عدة غير ما سلف ذكره ثبهن لنا على
قدرته كشاعر بجيد كتابة الأغنية من خلال تناول معاصر و وجدان
ملائم لزمانه و مكانه و تؤكد لنا أن الأغنية مرآة الإنسان فى كل
زمان و مكان .

الإسكندرية ٢٠٠٦

فهرس

- كلمة رئيس مجلس الإدارة ٣
- مقدمة ٥
- الإهداء ٧
- حبات العقد .. محمد زهران ٩
- رؤية ١١
- الباب الأول .. أغاني رومانسية و درامية ١٣
- شافوا بعنيهم ١٥
- اسكنيني ١٧
- و بيدور الكلام ١٩
- ليه بتخاف ٢١
- وداع يا حوا ٢٣
- دور الخداع ٢٥

- ما تصدقش ٢٦
- الوفى مش ضعف ٢٨
- حبك خلاص ٣٠
- ما فكرتيش ٣٢
- أحسن قرار ٣٤
- كان ليك ٣٦
- سحابة صيف ٣٨
- عندك أمل ٤٠
- عادى ٤٢
- مستحيل ٤٤
- قالولك كدة ٤٦
- مسلسل حب ٤٩
- هو أنتى ٥١
- حاقول لعمك ٥٣
- لاوع ٥٥

- مادام عشقت ٥٧
- مفيش فايده ٥٩
- لا سلام و لا كلام ٦١
- تقصد ايه ٦٣
- إلزم حدك ٦٥
- عايزة الحق ٦٧
- بعلن فشلى ٦٩
- أحسن حاجة ٧١
- كل ما فى الموضوع ٧٣
- يلا يا عشاق ٧٥
- نفس السؤال ٧٧
- مين يا قلبى ٧٩
- ضعف المسألة ٨٣
- خليت ايه ٨٥
- لو دايما ٨٧

- أرضى بحالك ١٩
- واحشانا ١
- أمى ٣
- الشجرة ٥
- مرمر ٣
- عمورا ٣

رقم الإيداع: ٣٩٤١
رقم حماية الملكية الفكرية
58/100-2-006

الشاعر يرحب بسماع تعليقاتكم عبر الإيميل
hanyeshra100@yahoo .com